

եանը նորէն — եւ աւա՛ղ, վերջին անգամ — փոթորկի կենարոնում: Վախ մարմինը դա՛հալէ՛ս պտոյտներ է գործում սպառնացող հողմերի մէջ, գրե՛ջը գործում է արագ-արագ, օրհասական կատաղութեամբ, ինտելիգենտ գործիչը դգում է գալիք արհաւիրքը եւ գերմարդկային ճիգ է թափում փրկելու ժողովուրդը. գրում է անդադար զեկուցումներ, վարում է բանակցութիւնը նենգաւոր Զեվտեթի հետ, վարում է սքանչելի վարպետութեամբ, ձգտում է ըստ կարելոյն ժամանակ շահիլ, կոտորածի առաջն առնել մինչեւ ոռւտների կամաւորները մուտքը, նետում է շարունակ աջ ու ձախ, արձակելով յուսահատ կոչ ու յորդոր, քարոզելով խոհեմութիւն ու զոհչութիւն, սպառում է բոլոր խաղաղ միջոցները թշնամու հետ... եւ երբ հասնում է փորձութեան վերջին ժամը — Վասպուրականի ըստ նշանակի ու երկունքի ժամը — Վոսմեանը ւած ա չկայ հրապարակում... Մի դիւային տաւոր ակշտակել էր նրան իր հարազատների չքաւայրից:

«Վոսմեանը տարա՛ն» — լուրը հազարամայն արձագանգով ցնցում է շրջապատը, ժողովուրդը սասանում է, երիտասարդութիւնը լեքորականանում:

«Վոսմեանը տարա՛ն»... Ո՛ւր տարան... «Դէպի Բիթլիս», «Գէպի Դիարբէկեր»... Ծրուկներ միայն — եւ ոչ մի լուր: Ո՛րտեղ, ո՛ր ձորի մէջ, ո՛ր թփի տակ ժողովրդական գործիչը ապրեց իր հոգեվարքը...

Հարցրէ՛ք այն՝ Վասպուրականի հողմերին, որ քառորդ դարուց ի վեր անտարբեր սուլում են մեր անհաշիւ հերոսների անթաղ նշխարների վրայ...

* * *

Վիշտը, այո՛, պողպատի պէս ճնշում է մեր կուրծքը, մեր անբախտ ընկերների ուրուականները ամէն վայրկեան յաճախում են մեզ, ամէն վայրկեան յիշեցնում են անօրինակ եղեռնը: Սակայն դրա հետ ունինք այսօր գէթ այն ներքին համոզումն ու սիրտնա՛նք՝ որ հասել է մեր վիթխարի ու արիւնալի փորձութեան վերջին հանգրուանը... Եւ ես կ'ուզէի բերել

այստեղ, այս թռուցիկ կենդանագրի վերջաբանում, մի քանի յուզիչ տողեր մեր անմոռանալի ընկերոջ առաջին խմբագրական յօդուածից («Դրօշակ», մայիս 1897).

«Քալէ՛ հայ ժողովուրդ... Հո՛ղ, այդ հանգրուանին մէջ չեն վերջանար անապատին աւագները, բայց հեռո՛ւն... սրտես եւ փորձ աչքեր կը նշմարեն դալարագեղ եւ ջրդի վայրերու ուրուագծերը, որոնք ա՛լ կրկնեթեւոյթներ չեն հիմա...»

«Գիտեմ, եղբայրս, յոգնած ես, ուժապառ, արեւակէգ. բայց աթխո՛ւմ առաջ նետե՛ք արիւնաշաղաղ ոտքերդ... Եթէ չես ուզեր մրկիլ ու ոչնչանալ անապատին աւագներուն մէջ. ժի՛ր եղիք, հեռուն օվասիւները կ'երեւին, իսկ անկէ անդին... Անապատին վերջն է արդէն... Քալէ՛, հայ ժողովուրդ...»:

* * *

Եւ «քալեց» նա ինքը, մեր տարբախտ ընկերը, ժողովրդի հարազատ դաւակը, ժողովրդի անխոնջ ու շարքաշ ուղեկիցը, քալեց նա քսան տարի շարունակ Հայրենիքի աւագուտ անապատում, քալեց անդուլ, անդադրում, փշերին ու մացաններին զարնուելով, ոտքերը արիւնոտելով եւ ընկաւ դարձեալ կէս ճամբուն եւ չտեսաւ իր երազած «դալարագեղ օվասիւները»...

Սակայն նա գիտէր, համոզուած էր, որ դա վերջին փորձութիւնն է բաղձաշար հայութեան, որ դա վերջին տիտանեան խարոյկն էր հայկական մարտիրոսութեան, որ նրան պէտք է հետեւէր վարդապոյն, գեղաժպիտ վերածնունդը...

Նա գնաց, ընկաւ արիւնաթաթախ՝ անապատի աւագներում, բայց Հայրենիքի մեծ Ոգին առաւ նրան դուրդուրանքով իր գիրկը:

«Վոսմեանը տարա՛ն»... Ո՛ւր տարան — յայտնի չէ... Բայց նա արդէն վերադարձել է եւ կերտել իր գերեզմանը հազարաւոր ընկերների սրտերում, կերտել է իր գերեզմանը «Դաշնակցութեան» յաւերժաթարմ, մշտականա՛նաչ ծառի տակ: